

嘉興府志卷二十八

嘉興府知府 伊湯安 重輯

郵傳

郡當三吳百粵之交為入浙門戶驛舊設提領官元明以來郵政或分屬或協理而總其成于憲司惟是牙旗羽檄往來紛繹候吏挽卒或逾常額近則

令甲森嚴應接供帳之煩悉綜覈省減亦既法行弊絕得置郵之本意矣塘鋪專達四境亦見衝僻之各殊焉志
郵傳

西水驛

在府城西門外設有驛丞

大清一統志 案明析屬秀水袁志云

嘉興府志

卷二十八

郵傳

一

阜成門外西麗坊

元初置至正末燬于兵明洪武元年四月除

授站提領為驛丞

浙江通志

有解舍船坊

柳志

站船一十七座

趙圖記 明末燬

國朝康熙十一年守道李顯榮檄知府王師夔重建顯榮書

額駭征咨度

袁志

乾隆五十二年秀水縣知縣紀有堂建

迎暉亭

新纂

元沈鉉西驛停橈詩帆收麗橋邊暝色已帶浦臨波據胡床且聽官船鼓

水驛詩西水鳴笳集要津滿城飛蓋入青旻雲連遠嶂

明雙鳥潦盡寒潭見數鱗幾處肩頰晴刈稻何人頭白

晚垂綸流亡未復官租急慚愧中朝衣紫身吳與弼

被召舟次秀水要津詩程程客路問前蹤又繫城頭橈

李蓬懷古心期何處寫一江煙浪雨溟濛朝鮮使臣

崔溥過秀州西水驛詩南北東西予豈匏中原風景肯

虛拋岳王廟下雲煙合伍相祠前草木交一望青天涵

水面五更明月掛松梢今朝又過嘉興府人自繁華竹

自苞

嘉禾遞運所

在西麗橋西百步許

吳志云西水驛西南

元嘉禾馬

驛址

至元志馬驛馬九十匹馬戶八百三十水驛船八十隻船戶七百六十

明洪武初改

建宣德中知府齊政重修

趙圖記

萬歷七年裁併西水驛

浙江通志

額設驛阜二名共公食銀十二兩嘉興縣徵給

案驛冊遇閏加

銀

西水驛人夫

驛冊稱陸路夫

一百四十四名共工食銀一千

三十六兩八錢遇閏加銀八十六兩四錢內嘉興縣徵

給銀四百五十三兩六錢加閏銀三十七兩八錢秀水

縣徵給銀三百二兩四錢加閏銀二十五兩二錢嘉善

嘉興府志

卷二十八

郵傳

二

縣徵給銀二百五兩二錢加閏銀一十七兩一錢海鹽

縣徵給銀七十五兩六錢加閏銀六兩三錢

案驛冊每名日給銀

二嘉興縣均平緯夫二百九名共工食銀一千五百四

兩八錢遇閏加銀一百二十五兩四錢

站馬一十四匹馬夫五名共工料銀二百七十兩原額應

差馬馬夫共銀三百八兩尚餘銀三十八兩內應撥給

秀水縣馬不敷工料銀一十兩七錢五分五釐二絲四

忽三微一塵二渺三漠九埃六織二沙撥給石門縣馬

不敷工料銀二十七兩二錢四分四釐九毫七絲五忽

六微八塵七渺六漠三織八沙遇閏應加銀二十二兩

五錢本縣止額加閏銀九兩計不敷閏月工料銀一十三兩五錢在于仁和縣馬餘閏銀內撥給銀七兩二錢
錢塘縣馬餘閏銀內撥給銀六兩三錢案馬每匹日給草乾銀六分夫每名日給銀三分又嘉興縣原額應差馬十五匹夫十五名雍正四年撥馬五匹夫十名協濟石門縣賦役全書驛站下仍編舊額以上浙江通志

添設買補馬二匹價銀二十八兩差馬倒斃奉文內扣議增十分之二

皮贓共銀六兩又馬稅每兩三分每匹四錢二分共銀八錢四分移交

錢塘縣投稅造報

添設馬匹棚廠槽鋤銀一十四兩二錢以上嘉興題銷冊

秀水縣均平緯夫二百二十名共工食銀一千五百八

嘉興府志 卷二十八 郵傳

十四兩遇閏加銀一百三十二兩

站馬一十匹馬夫五名其該工料銀二百七十兩本縣

止額工料銀二百五十九兩二錢四分四釐九毫七絲

五忽六微八塵七渺六漠三纖八沙計不敷銀一十兩

七錢五分五釐二絲四忽三微一塵二渺三漠九埃六

纖二沙在于嘉興縣馬餘銀內照數撥給遇閏應加銀

二十二兩五錢本縣止額加閏銀七兩五錢計不敷閏

月料銀一十五兩在于仁和縣馬餘閏銀內撥給案秀水縣

原額應差馬十五匹夫十五名雍正四年撥馬五匹夫十名協濟石門縣編額如舊以上浙江通志

添設買補馬二匹價銀二十八兩餘與嘉興縣同

添設馬匹棚廠槽鋤銀一十四兩二錢

以上秀水題銷冊

支應銀八百四十一兩九錢二分內嘉興縣徵給銀三百四十三兩九錢七分六釐一毫秀水縣徵給銀二百七十四兩五錢八分九釐二毫嘉善縣徵給銀九十五兩六錢二分七釐八毫九絲五忽海鹽縣徵給銀六十一兩四錢八分八釐九毫五忽平湖縣徵給銀六十六兩二錢三分七釐九毫

座站仙船一十二隻船頭水手六十一名共工食銀四百五十兩遇閏加銀三十七兩五錢內嘉興縣徵給銀三十五兩三錢七分五絲加閏銀二兩九錢四分七釐

五毫秀水縣徵給銀六十四兩一錢一分九釐六毫五絲加閏銀五兩三錢四分三釐三毫四忽一微六塵六渺六漠六埃六纖六沙嘉善縣徵給銀二十五兩九錢二分二釐五毫五絲加閏銀二兩一錢六分二毫二絲八微三塵三渺三漠三埃三纖四沙海鹽縣徵給銀六十一兩七錢八分七釐七毫五絲加閏銀五兩一錢四分八釐九毫七絲五忽桐鄉縣徵給銀二百六十二兩八錢加閏銀二十一兩九錢

修造船料銀六百八十六兩四錢一分九釐九毫九絲七忽內秀水縣徵給銀一百一十三兩五錢三分二釐

九毫九絲七忽嘉善縣徵給銀二百八兩四錢四分三釐三毫海鹽縣徵給銀五十一兩三錢四釐五毫平湖縣徵給銀一百九十四兩七錢八釐八毫石門縣徵給銀四十五兩二錢五分四毫桐鄉縣徵給銀七十三兩一錢八分

出江家伙銀二百兩三錢八分四釐嘉善縣徵給以上浙江

通志案座站仙船原額二十隻嘉興縣四秀水嘉善海鹽平湖四縣各三石門桐鄉兩縣各二康熙二十五年調赴省城停泊承應差使雍正四年裁減入隻改歸郵政衙門管理見驛冊

清軍館 在府治東偏宋紹興間城隍廟至元遷招提寺

曹刺史更為公館明洪武初又更為內館驛以延往來

嘉興府志

卷二十八 郵傳

五

使客 鄒志補宣德間更為清軍館宏治十六年同知鄭循

重葺 浙江通志

急遞總舖 在府治撫字坊下 袁志又云宋置舖兵元制每十里或十五里二十里

設急遞舖每舖置舖兵五人案中統元年隨處設傳遞舖明洪武間定制凡十里設一舖每舖設舖長一名舖兵要路十名僻路五名或四名

嘉興縣

安遠驛 在望吳門外 案明析屬秀水宋秀州守曾紆重修避朝

散大夫聞人安遠諱改名為禾興驛 宋嘉禾志今裁

東津亭 在蒯塔坊東馬橋東水次東道駐節之所 以上浙江

通志案析志有臨津亭

縣前急遞鋪

案至元志嘉興縣急遞鋪一十七處明析秀水嘉善後止設八處袁志列龍華鋪地屬嘉興司兵工食由秀水給領今從賦役全書改正實止七鋪詳下

常豐鋪 在縣東一十里

團港鋪 在縣東北二十里

以上袁志 案柳志東塘四鋪有龍華鋪在縣東三十里

今歸秀水魏塘鋪在縣東四十里今嘉善縣治

十八里鋪 在縣東南二十里

新豐鋪 在縣東南四十里

以上吳志 案至元志東塘六鋪內馬橋鋪半墩鋪下滙

鋪高橋鋪相距各九里皆今縣東境詳嘉善

落繹鋪 在縣南一十里

鍾塘鋪 在縣南二十里

案柳志趙圖記作中塘鋪

嘉興府志

卷二十八

郵傳

六

馬涇鋪 在縣南三十里

以上袁志 案至元志南塘三鋪高家灣許婆涇濟川鋪相距

各十里南接海鹽縣莫涇鋪

今司兵三十六名賦役全書常豐落繹衝要二鋪各八名工食銀一百一十五兩二錢每名七兩二錢加閏銀九兩六錢每名六錢團港十八里馬涇新豐鍾塘偏僻五鋪各四名工食銀一百二十兩每名銀六兩加閏銀一十兩每名五錢

秀水縣

禾興館 在縣北拱辰門外舊安遠驛尙宋宣和間秀州

守會紆旣改驛題館曰將歸取楚辭登山臨水送將歸

之義陸經爲記後改禾興館頗宏壯 嘉興湯志 案宋

館拜賜春幡勝詩中使傳宣下紫宸簇頭濃染御香雲綵幡耐夏宜春字寶勝連環幽水紋痕似土牛鞭不動

老登金馬愧無聞強簪華髮知難勝只有新詩頌萬分
國朝朱彝尊權歌父老禾興舊館前香秔熟後話
豐年樓頭沽酒樓外泊半是江淮販米船
凌大田詩
禾興猶記古吳名北郭煙波入望青一自登臨多送遠
那堪重到
俯雕甍

北津亭 在望吳門外北麗橋水次北道官船駐節之所

舊有官廳側房

府前舖 在縣東二里

三塔舖 在縣西八里

分鄉舖 在縣西一十八里

趙塘舖 在縣西二十七里
以上袁志 案至元志西塘五舖通越門舖趙家舖深葉

舖馬涇舖楊梗舖相距各十里西接崇德縣官窰舖

嘉興府志

卷二十八

郵傳

七

杉青舖 在縣北八里

金橋舖 在縣北一十八里

聞店舖 在縣北二十七里
案至元志北塘三舖施家舍舖秋茂舖北界首舖相距各

十里北接平江路 吳江縣界遞舖

龍華舖 在縣東北三十里
以上秀水李志

今司兵四十八名賦役全書衝要八舖各六名工食銀三百四十五兩六錢每名七兩二錢加開銀二十八兩八錢每各六錢

嘉善縣

大勝津亭 在縣治東三里
柳志稱東接官亭 明天順四年建久

圮

太平津亭 在縣治西二里 柳志稱西 明天順間建

國朝雍正六年知縣邵煜重修 以上嘉善戈志

縣前總舖 在縣治東二十步明宣德五年建

張涇滙舖 在縣治東一十里 以上柳志 案至元志嘉

東九里接魏塘舖又東一十二里接張涇滙舖東九里接松江府風涇舖今魏塘卽縣治風涇析隸嘉善今司兵十名賦役全書偏僻二舖縣前舖七名風涇三名工食銀七十二兩每名七兩二錢加閏銀六兩每名六錢

海鹽縣

秦駐館 唐圖經云古有秦駐館去縣西半里久而傾圮

長慶間縣令李鐸于縣南立館仍是名五代時廢 宋武原志

嘉興府志 卷二十八 郵傳 八

唐張祜秦駐山南館詩故人營此地臺館尙依依黑夜山魃語黃昏海燕歸舊陰楊葉在殘雨槿花稀無復南宮賞高簷紅燭輝

南宮賞高簷紅燭輝

望城館 宋武原志云禪悅院西偏有望城館建炎兵火

此館僅存紹興壬子歐陽延世撤廢樊圖經云禪悅院

今天寧寺也 浙江通志

秦溪館 在縣南十五里秦駐山下舊志云古津亭也宋

紹興元年縣令陳祖永修後縣令李直養立是名 海鹽圖經

海塘公館 在龍王廟右 浙江通志 明萬歷中知縣饒廷錫建

袁志

望洋堂 在縣東門外濱海康熙二年鎮將陳一安建 吳志

縣前急遞舖 在治西三十步

趙圖記 案至元志急遞舖九莫涇舖南一十五里

錢塾舖一十八里天仙舖一十二里至本縣瀕海又錢塾舖東南十五里接澈浦鎮路芍城舖再南接蔣塾舖相村舖孫老橋舖大橋舖石灰橋舖至澈浦鎮市各六里瀕海

朱公亭舖 在縣西十里

周墩舖 在縣西北二十里

黃泥舖 在縣西北三十里

以上袁志 案海鹽圖經西塘三舖北接嘉興縣界馬涇

舖

藍田舖 在縣南十里

常川舖 在縣西南二十里

澈浦東門舖 在縣西南三十里

以上海鹽圖經西南接海寧州界談山舖 案

嘉興府志

卷二十八

郵傳

九

趙圖記是為南海塘三舖

九里亭舖 在縣北十里

麥莊涇舖 在縣北二十里

以上海鹽仇志又十里接平湖縣界惹山舖 案趙圖記

是為北海塘二舖又海鹽圖經云南北海塘舖明洪武二十一年知縣郎時翔增置每舖建郵亭一正屋三左右廂各三圍墻門道俱備

今司兵三十二名賦役全書縣前舖七名朱公亭四名周塾黃泥各三名衝要四舖工食銀一百二十二兩四錢每名銀七兩二錢加閏銀一十兩二錢每名銀六錢藍田常川九里舖麥莊涇澈浦東門各三名偏僻五舖工食銀九十兩每名銀六兩加閏銀七兩五錢每名銀五錢

平湖縣

當湖公館

在治西三百步即宋當湖務基

浙江通志 明洪武

間為稅課局嘉靖間改建

袁志

縣前急遞舖 在縣右二百餘步

劉志

轉塘舖 在縣南一十里

惹山舖 在縣東南二十七里

乍浦東門舖 在縣東南三十七里

以上柳志

梁莊舖 在縣東南三十里

袁志案柳志有獨山舖無梁莊

今司兵一十七名賦役全書縣前衝要舖五名工食銀三十六兩每名銀七兩二錢加閏銀三兩每名銀六錢轉塘惹山乍浦東門梁莊偏僻四舖各三名工食銀七十二兩每名銀六兩加閏銀六兩每名銀五錢

石門縣

阜林驛 在石門縣南門外舊屬桐鄉縣明嘉靖中徙此

嘉興府志

卷二十八

郵傳

十

今有驛丞

大清一統志案驛丞于乾隆二十一年裁見賦役全書

巡按御史張

景奏改以驛去府治不一站長安驛偏迂乃度中置于

縣

浙江通志

初建永安橋東後知縣喻冲徙今地舊額曰吳

越名津

崇德新志

國朝康熙十九年同知季舜有攝縣事重新

袁志季舜有重建阜林驛記

畧嘉郡水陸通津北接三吳南達八閩行李之往來絡驛于道故驛站之設嚴于他方阜林驛者舊屬桐鄉之阜林鎮明嘉靖間巡方御史奏置石門縣仍其各堂樓廚監載在府志蓋郵傳之大者而廢且數十年矣予攝邑篆會有親藩旋師之役供億浩繁吏民震恐予為屣勉接濟師行而後即安用得以其間經營土木計邑之重役大務未有甚于驛者乃卜日量工舉而新之公帑既不得羨又以累民為難稍捐已貲以集事經始于庚申二月閏三月而落成規模丹堊差擬于舊庶幾停橈駐節得無暴露風日之患以重吾吏民過也

明貞瓊

阜林驛詩朝發白水村夕次阜林驛水腥無飲馬林黑
有歸翮昔時兵交地白骨如山積萬竈今已夷風亭煥
新飾居人尙星散父老悲故迹團團關山月夜逐南征
客程敏政過桐鄉晚宿阜林驛詩東風吹日半晴陰
不覺船窗水氣侵三里人家春淡淡一江煙樹晚沉沉
任洛阜林古驛詩碧樹雲林隱驛樓新題舊咏姓名
畱停舟莫向斜陽裏
楊柳煙蕪縮客愁

石門驛

在石門鎮唐有驛故市名石門後裁併

浙江通志案

至元志官驛屬馬驛崇德縣馬四十四匹馬戶三百八十二戶又崇德縣馬一十二匹馬戶一百一十四戶則元時崇德亦尙有二驛也

額設驛阜二名工食銀一十一兩六錢六分二釐六毫

石門縣徵給

阜林驛人夫南北遞報夫六十四名共工食銀四百六

嘉興府志

卷二十八

郵傳

七

十一兩七錢三分三釐二毫八絲遇閏加銀三十九兩六錢石門縣徵給

石門縣均平繹夫五百九十四名共工食銀四千二百九十兩八錢一分六釐遇閏加銀三百四十五兩六錢八分八釐一毫五絲一忽八微四塵六渺五漠四埃七纖八沙

站馬二十匹馬夫一十名共該工料銀五百四十兩本縣止額工料銀三百八十兩九錢四分三釐一毫二絲計不敷銀一百五十九兩五分六釐八毫八絲在于嘉興縣馬餘銀內撥給銀二十七兩二錢四分四釐九毫

七絲五忽六微八塵七渺六漠三纖八沙仁和縣馬餘銀內撥給銀八十六兩四錢錢塘縣馬餘銀內撥給銀四十五兩四錢一分一釐九毫四忽三微一塵二渺三漠九埃六纖二沙遇閏應加銀四十五兩本縣止額加閏銀二十二兩六錢八分四釐七毫五忽計不敷閏月工料銀二十二兩三錢一分五釐二毫九絲五忽在于仁和縣徵給吳山驛餘閏銀內撥給銀八兩三錢六分六釐六毫六絲六忽六微六塵六渺六漠六埃六纖六沙海寧縣徵給浙江驛馬餘閏銀內撥給銀八兩三錢六分六釐六毫六絲六忽六微六塵六渺六漠六埃六

織六沙仁和縣徵給縣馬餘閏銀內撥給銀二兩八錢五分尙不敷銀二兩七錢三分一釐九毫六絲一忽六微六塵六渺六漠六埃六纖八沙在于各縣扣存小建銀內撥奏案賦役全書原額馬十匹夫十名雍正四年奉撥嘉秀二邑馬各五匹夫各十名協濟見郵政冊若賦役全書仍編舊額也以上浙江通志

添設補買馬四匹價銀五十六兩內扣皮贖共銀二兩又馬稅每匹四錢二分共銀一兩六錢八分案乾隆六年覆準浙江驛馬十分之內準報倒斃二分動價買補見大清會典則例

添設馬匹棚廠槽鑿銀二十八兩四錢以上石門題銷冊支應銀五百一十兩四分九釐六毫六絲內石門縣徵

給銀四百六十六兩四錢六分一釐一毫六絲桐鄉縣

徵給銀四十三兩五錢八分八釐五毫

浙江通志

語溪館 在縣治南宋建後廢

柳志

宋錢達善新建行衙記曰語溪拱天闕百里

而近使星次舍無弭節所頗失事上之禮臺府幕屬臨
泣寢饋託諸僧舍令佐解龜溪代則或儻或假尤弗稱
也市南臨衢瀕河官有敗屋數間上漏下溼欲壓令黃
君相地之宜差二月乙亥之穀興工改築為行衙指客
有廳燕息有堂主廊翼室庖湏悉備對門越街繚以短
垣又有登艦之亭尉張君思正頌董其事不踰月而落
成迺俾巖穴士為之記辭弗獲因即而問之吾邦則計
數匱號難治去年夏君始來即修學校興建課會尋訪
故實彙次圖志它如春風一樓欲仆久矣向者疾趨而
過頤指而雄壯猶昔皆非空夸可致今茲役作而民不
知輪奐而邑壯觀其道果何以君笑曰吾以家事為之
則易以傳舍觀之則沮夫一縣之歲計仰苗入月計惟
推滯逋積不支豈可但諉之民醜薄不售尤當反之于
已戴星倉庾幾數月槩平而樂輸是知其良心固存也

嘉興府志

卷二十八

郵傳

三

麴稊泉齊有攸司任專則弊革是以酒政之易舉也竭
心思以杜姦委僚友以共濟上供俱辦課息微衍不蓄
不獻隨事力而為之耳愚也聞之矍然而起曰命之矣
君名元直字致君會稽人尚書宣獻公之孫也平易近
民庭無畱訟囹圄久虛是皆可書者抑聞之宜獻公昔
宰嘉興以最聞遂躋顯仕甘棠蔽芾猶在蓋其家有縣
譜云淳祐十一年三月九日

駐節廳 在布政分司右

浙江通志

隆慶末廢

石門鄺志

戴星別署 在北門外甘露菴左

浙江通志

明萬歷庚戌知縣

靳一派建

崇德靳志

陳禹謨戴星別署記畧禦兒當
水陸要衝事煩民瘠最難治而清漳靳侯獨

易之蓋侯為政得大體彈琴而理穆如也乃郵舍在城
南皇華駐節歸然偉觀城北則委巷盡而四面平疇靡
可蔽風雨邇年暫息甘露菴僑憇而已侯亦忘其櫛沐
之疲顧念百廢具興之日獨斯體統猶復缺然稍集醵
鐵度地鳩工經紀別署邑之士若民德侯深憐侯行役
最苦爭出力以赴之署前堂後寢各三楹棟宇整且栗

落成歌在靈臺之首章又爲額其上曰戴星夫古人鳴琴亦治戴星亦治侯以穆之之勤敏行蓋公之清淨禦兒之治固宜與單父後先爭烈

皇華館 康熙二十年建 石門 鄭志

迎薰館 在大南門外即驛丞舊署改建爲使節往來駐

泊之所 新纂

縣前急遞舖 在治東十步 柳志 案宋語溪志有石門錢店阜林官窯上窯五舖至

元嘉禾志六舖無上窯有阜羊縣北二舖縣北舖西接鹽官縣長安七里鎮舖餘與宋志同今皆裁易惟阜林

析屬 桐鄉

南津舖 在縣南四里 案崇德靳志南至海寧縣界駱家舖

上莫舖 在縣北六里 以上趙圖記

嘉興府志 卷二十八 郵傳 西

邵涇舖 在縣北一十六里 柳志 案崇德靳志北至桐鄉界西蔣舖

今司兵二十四名賦役全書衝要四舖各六名工食銀一百七十二兩八錢每名銀七兩二錢加閏銀一十四兩四錢每兩四錢每名銀六錢

桐鄉縣

阜林腰站 在巡檢署址西古有石門驛後廢因置阜林

至元志屬水驛阜林驛船三十隻船戶三百戶 明設驛丞公解夫馬船隻上接

西水驛下接長安驛 詳上石門 宣德中析屬桐鄉嘉靖十三

年改置石門縣南門外仍名阜林驛

國朝康熙十三年復置腰站于舊驛設官馬三十匹夫二十

名知縣徐秉元創馬廄廨宇二十年仍撤 石門 鄭志

縣前總舖 在縣治東三十步 趙圖記

阜林舖 在驛西距縣前永新西蔣南東西三舖各一十

里柳志

永新舖 在縣南二十里永新鄉運河塘北 案柳志東至秀水縣趙墻

舖一十里

西蔣舖 在縣西二十里保寧鄉 以上袁志案柳志西至石門縣邵涇舖一十

里

烏鎮舖 在縣西北三十里 新纂案烏青鎮志司兵烏程桐鄉各一名

今司兵二十一名縣前阜林西蔣永新衝要四舖工食銀一百三十三兩縣前舖五名每名銀五兩餘每名銀七兩二錢加閏銀一十一兩八分三釐三毫縣前舖每名銀四錢一分六釐六毫六絲六忽餘每名銀六錢烏

嘉興府志 卷二十八 郵傳 五

鎮偏僻舖兵一名工食銀六兩加閏銀五錢

驛站款項 案袁志列有原額及國朝額設各款屢經裁扣改撥視昔較殊今概從題銷冊以歸簡覈分款細數詳賦役全書有與全書異者各分註之

額徵府屬七縣驛站均平僱馬協濟等項共銀一萬三千八十六兩一錢八分五釐

遇閏加增共銀八百六十六兩四錢八分八釐

嘉興縣

額徵驛站銀一千二百三十兩七分九釐

額徵差馬工料銀三十八兩

遇閏加增銀六十四兩一錢四分七釐 以上俱批解撥給各縣同

額徵均平夫銀一千五百四兩八錢

由西水驛分季領給嘉慶五年起俱

畱縣支給餘剩仍批解協撥

額徵僱馬工料銀三百八兩

分季領給外餘銀撥給他縣見前西水驛下

遇閏加增銀九兩

秀水縣

額徵驛站銀七百五十八兩六錢三分九釐

遇閏加增銀三十兩五錢四分三釐

額徵均平夫銀一千五百八十四兩

由西水驛分季領給

遇閏加增銀一百三十二兩

額徵僱馬工料銀二百七十兩

案縣額徵銀止二百五十九兩二錢四分零不

嘉興府志

卷二十八

郵傳

六

敷銀由他縣徵解撥給見前西水驛下

遇閏加增銀二十二兩五錢

案縣額徵閏銀止七兩五錢不敷閏銀由他縣

徵解撥給並見前

嘉善縣

額徵驛站銀七百三十五兩五錢七分八釐

遇閏加增銀一十九兩二錢六分

海鹽縣

額徵驛站銀二百五十兩一錢八分一釐

遇閏加增銀一十一兩四錢四分九釐

平湖縣

額徵驛站銀二百六十兩九錢四分七釐

遇閏加增銀 案全書康熙三十一年裁

石門縣

額徵驛站銀九百七十二兩五錢七分六釐

遇閏加增銀三十九兩六錢

額徵均平夫并協濟銀四千二百九十兩八錢一分六

釐

遇閏加增銀三百四十五兩六錢八分八釐

額徵僱馬工料銀五百四十兩 案縣額徵銀止三百八十兩九錢四分零不敷

銀由他縣徵解撥給見前阜林驛下

嘉興府志

卷二十八 郵傳

七

遇閏加增銀四十五兩

案縣額徵閏銀止二十二兩六錢八分零不敷銀由他縣

徵解撥給並見前

桐鄉縣

額徵驛站銀三百七十九兩五錢六分九釐

遇閏加增銀二十一兩九錢

附禁革廠夫等弊各條

禮科給事中張惟赤疏為謹陳廠夫橫行之害事浙按

牟雲龍巡歷臣鄉出示為嚴究窮兇大惡之廠夫等事

本院微服駕水細察民難獨有廠夫一項萬戶同聲怨

嗟載道或濫派工食或酷勒對支或凌虐紳衿或把持

官府或串蠹縱蠹或殺人陷人皆因黨翼繁多爪牙密佈結連衙役爲腹心捏合武劣爲指臂小民半言觸怒立刻粉碎身家官長一事阻撓隨便匿名陷害以致道路側目上下寒心爰被殺而子不敢伸冤妻被佔而夫不敢控訴嗟爾士民疾首痛心已十餘年于茲矣本院爲爾密訪得爲首作惡厥夫劉敬山等十餘人已經嚴拿解究外凡我百姓負屈含冤者俱據實指名赴道府告發解院以憑執法究擬等語臣昔日鄉居備知厥夫之害今按臣訪拿萬衆快心但恐此輩交通衙役打點術工萬一承問各官不能直窮到底日後仍畱地方挾讐報復禍反不測伏乞

勅下按臣將示內所開惡跡嚴爲追究其所串何蠹所縱何蠹聯結衙役是何姓名聞已經告發有人務盡根株毋使吞舟漏網至厥夫之設獨臣鄉有之竊見

國家設有驛站水路各驛額設夫役供應過往有勘合火牌船隻拉船來去獨臣鄉除驛夫之外濫設此項厥夫亦名長夫額外私派各里給發工食每圖索銀至三十六兩今雖經按臣准秀水縣申詳嚴行革除但臣聞此輩斂金圖復蓋厥夫之設原係蠹役巧立名色科派鄉民設立以後相仍十餘年每年安享三十六兩之工食又

皆無賴棍徒倚恃蠹役爲腹心作惡嚙民誠有如按臣
示內所稱者嘉秀兩縣多至六百名私立頂首每名值
銀二百兩今一旦革除則頂首盡行落空此輩公同謀
議擬每名出銀五十兩賄囑撫按上房書吏希圖復設
夫有錢十萬可以通神誠恐此輩衆擎易舉斂銀至二
三萬兩之多以此行賄鑽營何求不得臣按嘉秀二縣
僱夫銀兩全書中額載四千五百兩零遇閏加銀三百
一十兩今別設廠夫累及各里則此項銀兩縣官作何
開銷請乞

勅部嚴行該撫按將此項銀兩悉歸本驛該縣按季給發不許

釐毫扣剋夫每月銀數至于三百六十餘兩聽該驛僱
募應役充然有餘又何必別立廠夫派累各里糜二千
餘金之膏血增五六百名之虎狼流毒百姓無有底止
更祈

嚴綸申飭永不許議復庶臣鄉除一大害矣抑臣郡如此安知
他郡他省無私立別項名號作惡害民者併乞

勅部通行各撫按畱心細訪有則一例革除將見歌舞更生者
當不獨臣郡已也伏候

睿鑒施行順治十六年七月二十九日題八月初八日奉
旨該部察議具奏

兵部覆題爲謹陳廠夫橫行之害事車駕司案呈禮科張惟赤題前事奉

旨該部察議具奏欽此該臣等看得驛站夫役自有額設工食銀兩私派累民屢經

嚴飭今據科臣張惟赤疏稱嘉秀二縣除驛站夫之外濫設廠夫巧立名色科派鄉民爲害不一等語查私派廠夫作惡害民相應請

勅該撫按嚴查蠹役科派情弊併廠夫害民實跡按法從重究治凡所屬見有廠夫盡行禁革止用額設驛夫不許復設廠夫名色以除民害併通行各省撫按一體查禁可

嘉興府志

卷二十八

郵傳

三

也奉

旨是依議嚴行

順治十七年科臣薛鼎臣疏詳田賦

巡按浙江監察御史楊

爲查究事案查嘉秀里民陳

情等條陳利弊一事本院念屬公呈事關興革批行該

府督同二縣傳集各里長從公酌議務協輿情以便地

方未嘗允與施行亦未見該府回報今訪聞嘉秀二邑

大張告示妄議立法給帖各項每畝年輸銀四分屬

加派何物奸宄敢于聚衆橫行其中必有積蠹巨慝合

謀把持希圖網利紳士有持正議輒以克狠相加是真

目無三尺矣除經密拿嚴究外合再申飭爲此示仰官

吏軍民人等知悉廠夫一項見奉

于一切雜役加徵屢經當道條議盡行永禁敢有官役

妄思正賦之外巧立名色擅取分毫不拘刑項人等赴

院呈告訪查得實官以違

旨飛參奸蠹立拿處

死決不輕貸特示

明旨究革至

巡案浙江監察御史楊

爲嚴飭革廠歸驛以遵

明旨以除民害事照得嘉禾廠蠹之弊窮克極惡前

院禁飭言之已悉迨後科疏部覆奉有

嚴綸凡

嚴綸凡

院禁飭言之已悉迨後科疏部覆奉有

嚴綸凡

院禁飭言之已悉迨後科疏部覆奉有

嚴綸凡

院禁飭言之已悉迨後科疏部覆奉有

嚴綸凡

所屬現在廠夫盡行禁革止用額設驛夫不許復立廠夫名色以除民害并通行各省一體查禁在案本院嚴飭已久不謂奉行者竟不凜遵違戾如故今訪得畱縣錢糧尚未歸驛經承抗捺仍給廠夫加派之害朦蔽未除敢于違旨藐憲奸蠹若此真所謂膽可包天者矣除一面密訪拿究外合行嚴飭爲此示仰官吏百姓人等知悉廠夫名色奉旨禁革凡勘合火牌應付盡歸驛中承值全書額載募夫協濟銀兩儘足支應敢有陽奉陰違仍前派索里民及廠夫對支逼取等弊有一于此許被害人等指名赴院首告官以違旨參拿役則遵例究賊處以必死民生利害所關本院執持三尺以待慎勿泛視輕以身命自投法網特示案順治間嘉秀二縣除驛站夫之外濫設廠夫秀水縣前東西各造廠房名曰東廠西廠亦名長夫皆無賴棍徒倚恃蠹役爲腹心額外私派各里給發工食爲害不一經給事中張惟赤奏陳嚴行禁後有嘉興縣胥串通縣丞王典勒令每圖備夫一名以供走差名曰備夫卽廠夫之別名並浙省屬縣勒令每圖報充應捕工食衣甲一如鄉兵鎗手皆係巧立名色復經科臣薛鼎臣具奏派索里民及對支逼取等弊盡行革除于是秀水縣

嘉興府志

卷二十八

郵傳

三

之兩廠房始燬矣

